



# RSP BILTEN br. 11

APRIL - AVGUST 2017.



Slika na naslovnoj strani:  
Početak građevinskih radova, Berane, Crna Gora

# Priča sa naslovne strane



## POLOŽEN KAMEN TEMELJAC ZA IZGRADNJU 94 STAMBENE JEDINICE U BERANAMA

Ministar rada i socijalnog staranja Kemal Purišić, gradonačelnik Berana Dragoslav Šćekić i predstavnica ambasade SAD u Crnoj Gori Lesli Freriksen, položili su 7. aprila 2017. godine kamen temeljac za izgradnju 94 stambene jedinice za smještaj raseljenih lica u Beranama.

Ukupna vrijednost projekta procjenjuje se na 4 miliona eura, od čega će se 3,6 miliona eura finansirati sredstvima iz RSP fonda. U decembru 2016. godine potpisani je ugovor s izvođačem radova, koji bi trebalo da budu završeni tokom prve polovine 2018. godine.

Ministar Purišić podsjetio je da je za potrebe izbjeglica već osigurano 1.500 stambenih rješenja kroz niz projekata koje su finansirali Vlada Crne Gore, nevladine organizacije, međunarodni partneri i donatori.

Gradonačelnik Šćekić istakao je da će za 94 porodice koje su izabrale Berane za svoj dom ovaj projekat omogućiti da se konačno skrase nakon 25 godina života u privremenim i neizvjesnim uslovima, dodavši da država mora da riješi pitanje državljanstva raseljenih lica kako bi se omogućila njihova potpuna integracija u društvo.

*„Obezbijedivanje osnovnih potreba stambenog zbrinjavanja omogućće raseljenim licima i pojedincima da se usredotoče na ostale značajne aspekte svog života, kao što su nalaženje zaposlenja, integracija u kulturni i ekonomski život društva i unapređenje života, odnosno života njihovih porodica. Kao donator, SAD želi da pronade dodatne načine podrške u odnosu na nestambene potrebe, budući da je ovo odličan početak, ali ne i jedini problem koji je neophodno riješiti“, izjavila je g-dja Freriksen.*

Ceremoniji su također prisustvovali i Igor Burazin, predstavnik Razvojne banke Vijeća Europe, Dan Redford, zamjenik šefu misije OSCE-a u Crnoj Gori i Roberta Monteveki, predstavnica UNHCR-a u Crnoj Gori.



### PRIČA RSP KORISNIKA

Milovan Ojdanić (56) rođen je u Goraždu, u Bosni i Hercegovini. Kada je počeo rat, živio je u Sarajevu, odakle je 1992. godine sa svojim roditeljima otišao u njihovu rodnu Crnu Goru i došao u Berane.

Od 1995. godine, kada je Milovan upoznao svoju suprugu s kojom ima dva sina, Ojdanići žive u kolektivnom centru u Beranama. Porodica je živjela od prihoda koje je Milovan zarađivao radeći kao stolar. Prije dvije godine Milovan se razbolio, zbog čega je bio prinuđen da prestane da radi i od tada im je socijalna pomoć jedini izvor prihoda. Stariji sin je završio srednju školu i sada traži posao, dok mlađi već dugi niz godina trenira gimnastiku i učestvuje na takmičenjima širom zemlje. Njegovom ocu je žao što nije u mogućnosti da sina šalje na međunarodna takmičenja.

Ojdanići su među 94 izbjegličke porodice koje će dobiti trajno stambeno rješenje u jednoj od četiri zgrade koje će biti izgrađene u Beranama. Građevinski radovi započeti su u februaru 2017. godine i njihov završetak očekuje se u junu 2018.

# Primjeri iz partnerskih zemalja



## BOSNA I HERCEGOVINA

### REZULTATI REGIONALNOG STAMBENOG PROGRAMA U BOSNI I HERCEGOVINI

Regionalni stambeni program u Bosni i Hercegovini trenutno se sprovodi kroz četiri projekta koja su u toku – BiH1, BiH2, BiH3 i BiH4 – a kojima će se do kraja 2018./početka 2019. godine obezbijediti novi domovi za blizu 2.000 ugroženih porodica. Preostali radovi u okviru projekta BiH1 – dodjela 20 paketa građevinskog materijala i rekonstrukcija/izgradnja uništenih i oštećenih kuća za 150 povratničkih i interno raseljenih porodica – biće završeni tokom druge polovine 2017. godine. Što se tiče projekta BiH2, nakon završetka 30 porodičnih kuća za izbjeglice iz Hrvatske, preostale stambene jedinice u izgradnji/rekonstrukciji biće spremne da prime 750 korisničkih porodica do početka 2018. godine.

Tokom iste godine biće završena i većina stambenih jedinica u okviru projekata BiH3 i BiH4, čija je izgradnja/rekonstrukcija započeta u prvoj polovini 2017. godine: u 24 višestambene zgrade biće završeno 512 stanova i obezbijeđeno 480 porodičnih kuća za RSP korisnike.

Skupština donatora RSP fonda je u junu 2017. godine u korist Bosne i Hercegovine odobrila ukupno 10,2 miliona eura bespovratnih sredstava za novi projekat (BiH5) kojim će se povratnicima i raseljenim licima obezbijediti 550 porodičnih kuća. Sve navedeno bi do kraja 2019. godine za 2.500 najugroženijih porodica, odnosno približno 9.000 lica, trebalo da omogući trajna i održiva stambena rješenja nakon višegodišnje raseljenosti. Pored toga, započete su i pripreme za novi projekt BiH6.



Radovi na izgradnji zgrade u Prijedoru, maj 2017.



### PRIČA RSP KORISNIKA

Ljuban Štrbac (53) napustio je svoju rodnu Bosansku Krupu u Bosni i Hercegovini 1995. godine i zajedno sa svojim roditeljima došao u selo Rakelići nadomak Prijedora. Porodica Štrbac prebjegla je u izbjegličkom konvoju, ostavljajući sve iza sebe – veliku, potpuno opremljenu i namještenu novu kuću, kao i manju gostinsku kuću napravljenu za prijatelje i rodbinu kada dođu u posjetu.

Po dolasku u Rakeliće, dobili su privremeni smještaj u seoskom kulturnom centru, a nakon nekoliko nedjelja, komšije iz sela su im obezbijedile malu napuštenu kuću od 30m<sup>2</sup>. Ljubanova majka je umrla nedugo nakon njihovog dolaska; prema Ljubanovim riječima, nije mogla da prihvati nove, nepodnošljive uslove. Ljubanov otac dobio je penziju od 150 eura mjesečno, od čega su njih dvojica godinama živjeli. Kada mu je prije godinu dana otac preminuo, Ljuban je ostao bez ikakvih prihoda.

Ljuban se izdržava od povremenih poslova koje uspije da pronađe u komšiluku. Živi u maloj, vlažnoj, dvosobnoj, oronuloj vikendici, bez vode i struje. Spava na drvenoj klupi obloženoj komadom spužve, a vodu donosi iz bunara blizu kuće i kupa se u staji koja je napola urušena. Struju su mu isjekli jer nije mogao da plaća račune. Komšije mu pomažu kada god mogu. Nada mu se vratila kada je saznao za mogućnost dobijanja stana u zgradi čiju izgradnju finansira RSP u Prijedoru.

„Samo želim da spavam u pravom krevetu, da imam šporet i kupatilo. Ništa više; bio bih zadovoljan s ovih nekoliko osnovnih stvari“.

# Primjeri iz partnerskih zemalja



REPUBLIKA HRVATSKA

## U GLINI ODRŽANA PRIMOPREDAJA DOMA ZA STARIJE I NEMOĆNE

Sisačko-moslavački župan Ivo Žinić i državni sekretar Središnjeg državnog ureda za obnovu i stambeno zbrinjavanje Nikola Mažar potpisali su 5. juna Zapisnik o primopredaji Doma za starije i nemoćne Glina, čime je izvršena svečana primopredaja Doma za čiju je rekonstrukciju i dogradnju utrošeno 4,2 miliona eura, dok je za opremanje izdvojeno 370 000 eura.

Dom za starije i nemoćne u Glini, koji će stambeno zbrinuti 75 osoba, zamišljen je kao trajno rješenje za stambeno zbrinjavanje osoba u statusu izbjeglica, povratnika i prognanika koji se trenutno nalaze u objektima kolektivnog smještaja, kao i ostalih povratnika koji nisu sposobni za samostalan život. Osnivač Doma za starije i nemoćne u Glini je Županija Sisačko-moslavačka, a Središnji državni ured za obnovu i stambeno zbrinjavanje zadužen je za izgradnju i opremanje doma, kao i odabir korisnika. Dom bi trebalo da počne sa radom do kraja godine, odmah po zaposlenju 39 ljudi.



Dom za starije i osobe sa invaliditetom u Glini, jun 2017.

## ZAVRŠENA IZGRADNJA 40 STANOVA U KNINU

Završeni su radovi na izgradnji dvije stambene zgrade sa po 20 stambenih jedinica. Tehnički prijem obavljen je 6. jula, nakon čega će 40 korisničkih porodica moći da se useli.

Budući stanari su nekadašnji nosioci stanarskog prava, od kojih većina živi u zemljama u regionu, dok se jedan deo još uvijek nalazi u kolektivnom smještaju u obližnjem selu Golubić, ili su smješteni kod rodbine.

## PRIVODI SE KRAJU IZGRADNJA 21 STANA U BENKOVCU

Radovi na izgradnji stambene zgrade sa 21 stanom biće završeni za nekoliko nedjelja. Budući stanari su nekadašnji nosioci stanarskog prava, od kojih mnogi još uvijek žive u izbjeglištvu u Srbiji, Bosni i Hercegovini ili Crnoj Gori, kao i izbjeglice iz BiH koje su u procesu lokalne integracije u Benkovcu.



### PRIČA RSP KORISNIKA

Prije rata, Ana (66) i Fabijan (62) Tokmakčija živjeli su u svojoj porodičnoj kući u mjestu Kakanj, u Bosni i Hercegovini. Ova tročlana porodica je u junu 1993. godine prebjegla u Vareš u BiH. Ubrzo nakon toga, Ana i njen sin Blaženko su evakuisani i prebačeni u organizovani smještaj za izbjeglice i raseljena lica u hrvatskom mjestu Novigrad, a Fabijan im se pridružio u decembru 1993. godine. Nemajući gdje da odu, uputili su se u Hrvatsku i smjestili u Kninu.

Od dolaska u Knin živjeli su kao podstanari, seleći se u stanove bez osnovnih uslova za život. Tokom proteklih nekoliko godina, živjeli su u stanu koji se nalazi u staroj uništenoj zgradi koju su svi ostali stanari napustili. Zgrada je bez lifta, pa su primorani da se penju uz 25 stepenica kako bi došli do svog stana. Pored neadekvatnog stanja stana i zgrade, ovo je osnovna prepreka za normalan i pristojan život, posebno za njihovog sina Blaženka s posebnim potrebama.

Blaženku je 2006. godine ustanovljena multipla skleroza. U to vrijeme on je još uvijek radio, ali se zbog uznapredovale bolesti penzionisao 2010. godine. Blaženko prima invalidsku penziju od hrvatskog Penzionog fonda i dodatnu pomoć za njegu od Centra za socijalnu skrb. Blaženko iz stana izlazi samo kada ide na redovne pregledе i terapije, a tom prilikom ga medicinsko osoblje nosi, jer bi u suprotnom ostao zatočen u svojoj sobi. Čitava porodica raduje se novom stanu u jednoj od dvije zgrade čiju izgradnju RSP finansira u Kninu – useljenje je predviđeno početkom ove jeseni.

# Primjeri iz partnerskih zemalja



CRNA GORA

## POČELA IZGRADNJA DODATNOG 51 STANA U PODGORIČKOM KAMPU KONIK

Početak radova na izgradnji 51 stana obilježen je 18. maja 2017. godine na novootvorenom gradilištu Konik nadomak Podgorice. Završetak izgradnje ovih stanova planiran je za drugu polovinu 2018. godine.

Pored ove 51 stambene jedinice, na istoj lokaciji već je u toku izgradnja 120 stanova koji će na jesen biti predati RSP korisničkim porodicama koje trenutno žive u naselju Konik.

Kemal Purišić, ministar rada i socijalnog staranja Crne Gore izjavio je: „Osiguravajući stambeno rješenje većini ugroženih interna raseljenih lica i izbjeglica, pomažemo im da postanu dio naše zajednice. Svi oni koji su izabrali Crnu Goru za svoj novi dom dobrodošli su da ostanu i mi ćemo uraditi sve što je u našoj moći kako bismo im pomogli u integraciji. Ovaj projekat predstavlja veoma dobar primjer takvih napora i veliki uspjeh RSP-a u Crnoj Gori.“

Viceguvernerica CEB-a Roza María Sanchez-Jebra Alonso istakla je zajedničku saradnju i sinergiju između učesnika u RSP-u, uz ostale RSP projekte u četiri partnerske zemlje koji su do sada omogućili trajna stambena rješenja za preko 3.000 osoba.

Ovaj RSP projekat nadovezuje se na prethodnu akciju Europske komisije finansiranu preko IPA fondova, kada je na jesen 2015. godine ugroženim stanovnicima Konika dodjeljeno 48 stanova. Zajedno sa stanovima finansiranim kroz IPA fondove, ovaj RSP projekat treba da doprinese definitivnom zatvaranju naselja Konik.



Regionalna predstavnica UNHCR-a za jugoistočnu Evropu Anne-Christine Eriksson izjavila je da je UNHCR u saradnji sa svojim partnerima dao doprinos uspješnoj realizaciji RSP-a, uključujući i učešće u odabiru korisnika, dodavši da „u Crnoj Gori i dalje nije završen posao pronalaženja rješenja za one raseljene kojima je to još uvijek neophodno“.

Šefica misije OEBS-a u Crnoj Gori Maryse Daviet pohvalila je predstavnike vlasti za rukovođenje ovim značajnim projektom i za odličnu saradnju sa partnerima na projektu. „Upravo je njihov naporan rad na sprovođenju RSP-a ono što pravi razliku u životima ovih ugroženih porodica.“

„Značaj ovih radova očigledan je ukoliko se pogledaju i uporede uslovi života tamo gdje se sada nalaze zgrade čija je izgradnja finansirana preko IPA fondova, i tamo gdje su do sada živjeli ugroženi pojedinci u kontejnerima i barakama. Ipak, ne smijemo zaboraviti i ostale potrebe ovog stanovništva, kako socijalne, tako i ekonomski. Stoga ćemo dati sve od sebe kako bismo im pomogli da dobiju pristup obrazovanju, zaposlenju, zdravstvenim uslugama i slično“, rekao je Kristijan Danijelson, generalni direktor Direktorata Evropske komisije za susjedne zemlje i pregovore o proširenju.

## KRISTIJAN DANIELSON, GENERALNI DIREKTOR DIREKTORATA EUROPSKE KOMISIJE ZA SUSJEDNE ZEMLJE I PREGOVORE O PROŠIRENJU

KONIK, PODGORICA, 18. MAJ 2017. GODINE



### Zbog čega je RSP značajan za EU?

Ovaj program je od suštinskog značaja obzirom da se bavi naslijediem iz prošlosti, strašnim iskustvima pojedinaca od kojih mnogi još uvijek žive u kolektivnim centrima. Bez stambenog rješenja, nemoguće je izboriti se s ostalim poteškoćama u životu.

Osiguravanje stambenih rješenja u kombinaciji s mjerama socijalne integracije i ekonomskim mogućnostima stvorice bolju budućnost za sve porodice koje će živjeti u kućama za koje smo danas položili kamen temeljac, kao i za one koji zahvaljujući ovom programu već žive u novim domovima.

Ne treba da poredimo RSP s prilivom migranata s kojim se danas suočavamo u Europi: ovdje se radi o zapadnom Balkanu i o tome da se onim ljudima koji su pretrpjeli posljedice rata tokom devedesetih godina prošlog vijeka i koji su raseljeni, obezbijedi budućnost u kojoj mogu živjeti u prihvatljivim uslovima i svoj život započeti u novim okolnostima.

# Primjeri iz partnerskih zemalja



REPUBLIKA SRBIJA

## DODJELA PAKETA GRAĐEVINSKOG MATERIJALA POČELA U 28 OPĆINA U SRBIJI

U Srbobranu je 23. maja 2017. godine obilježen početak isporuke i ugradnje paketa građevinskog materijala za izbjeglice iz Bosne i Hercegovine i Hrvatske u okviru RSP projekta SRB2. Isporuka i ugradnja paketa građevinskog materijala u okviru ovog projekta počela je u 28 jedinica lokalne samouprave širom Srbije, što će omogućiti da RSP pomoći na ovaj način dobije ukupno 319 izbjegličkih porodica.

Projekat SRB2 vrijedan je ukupno više od 13 miliona eura i obezbijediće dodjelu 900 stambenih rješenja kroz četiri modela: dodjela paketa građevinskog materijala (249 iz RSP fonda i 70 iz kontribucije Republike Srbije); kupovina seoskih kuća (250), izgradnja stanova (200) i izgradnja montažnih kuća (120).

Ceremonija je održana u kući porodice Pavlović u Srbobranu.



Dejan Pavlović (36) je 1995. godine izbjegao iz mjesta Dalj kod Vukovara sa svojim ocem Mihajlom, majkom Dobrinkom i bratom Markom. Odmah po dolasku u Srbiju, porodica se sklonila kod rođaka u blizini Bečeja, da bi nešto kasnije roditelji kupili manju kuću u Srbobranu. Dejan radi kao tehničar i oženjen je Slavicom (31), s kojom ima tri kćerke: Jovanu (12), Dunju (5) i Dejanu (3). Kuću u kojoj živi kupio je prije devet godina. Kuća je bila od naboja u veoma lošem stanju, ali je porodica malo po malo od nje napravila dom pristojan za život. Zahvaljujući RSP-u, porodica Pavlović dobila je paket građevinskog materijala u vrijednosti od 9.000 eura, kojim sada obnavlja krov, odžak, oluke, dio fasade, stolariju, hidroizolaciju, podove, plafone i kupatilo.



U ime države Srbije ceremoniji je prisustvovao Ivica Dačić, vršilac dužnosti premijera, ministar vanjskih poslova i predsjednik Komisije za koordinaciju procesa trajne integracije izbjeglica. Događaju su prisustvovali i ambasadori RSP donatorskih zemalja, veliki broj lokalnih visokih zvaničnika, kao i predstavnici međunarodnih učesnika u RSP.



*„Već nekoliko mjeseci učestvujem kao predsjednik Komisije za koordinaciju procesa trajne integracije izbjeglica Vlade Republike Srbije na ovakvim događajima, što govori o posvećenosti i intenzitetu aktivnosti na sprovođenju Regionalnog stambenog programa u Republici Srbiji. U ovom kratkom periodu, samo u prethodna dva mjeseca, kamen temeljac za izgradnju stanova sam položio u Vršcu, Paraćinu, Prokuplju, Kruševcu i Sremskoj Mitrovici. Uvijek se trudim da se odazovem svakom pozivu Komesarijata za izbjeglice i migracije, i s ponosom i neskrivenim zadovoljstvom mogu reći da je Program u punom zamahu širom Srbije“, rekao je ministar Dačić.“*

# Regionalne aktivnosti

## U BEOGRADU ODRŽAN 10. UPRAVNI ODBOR REGIONALNOG STAMBENOG PROGRAMA



U Beogradu je 26. juna u Palati Srbija održan deseti po redu sastanak RSP Upravnog odbora i 14. skupština donatora RSP fonda.

Nakon sastanaka održana je konferencija za novinare kojoj su prisustvovali predstavnici RSP partnerskih zemalja, donatori (EU, SAD, Italija, Njemačka i Švicarska) i partneri u procesu implementacije UNHCR, OSCE i CEB.

Sastanak Upravnog odbora otvorio je vršilac dužnosti premijera i ministar vanjskih poslova Srbije Ivica Dačić i ministarica bez portofolia zadužena za europske integracije Jadranka Joksimović. Učesnicima su se obratili i vršilac dužnosti šefa Delegacije EU u Republici Srbiji Oskar Benedikt, ambasador SAD NJE Kajl Skot, kao i ambasador Njemačke NJE Aksel Ditman.

Upravni odbor pozdravio je odluku Skupštine donatora da Srbiji i Bosni i Hercegovini odobri dva nova projekta ukupne vrijednosti od 31 milion eura. Zaključeno je i da RSP ostvaruje dobar napredak u svim partnerskim zemljama, uz preko 1.100 stambenih rješenja koja su već isporučena korisnicima. Ključna za RSP biće 2017. godina, budući da je do kraja godine planiran završetak preko 2.000 dodatnih stambenih jedinica. Partnerske zemlje potvrdile su snažnu posvećenost RSP-u i fokusirani napor u cilju osiguravanja trajnih stambenih rješenja najugroženijim preostalim izbjeglicama. Takođe posvećenošću ističe se regionalni duh Programa i njegov pozitivan uticaj na poboljšanje dobrosusjedskih odnosa.

Svi učesnici u Programu potvrdili su regionalnu dimenziju i doprinos procesu pomirenja kao jedan od ključnih rezultata koje je RSP ostvario do danas.

Vršilac dužnosti šefa delegacije EU u Srbiji Oskar Benedikt podsjetio je da je EU najveći donator s opredijeljenih 232 miliona eura i izjavio da je RSP očigledno osnovnih europskih vrijednosti saradnje, pomirenja i solidarnosti, dodavši da je važno obezbijediti pomoć na sve moguće načine kako bi rane zaciјelile i pomoći bila pružena onima kojima je najpotrebnija.



### DONATORI POSJETILI KORISNIČKU PORODICU U PANČEVU

Dan nakon sastanka Upravnog odbora, korisničkoj porodici u Pančevu je dodijeljeno hiljadito stambeno rješenje u Srbiji. Ključeve kuće je porodici Gnjatović-Marić predao Ivica Dačić, vršilac dužnosti premijera, ministar za vanjske poslove i predsjednik Komisije za koordinaciju procesa trajne integracije izbjeglica.

Milosava je devedesetih godina prošlog vijeka iz Ključa u Bosni i Hercegovini izbjegla kod svoje porodice u Somboru u Srbiji, gdje je upoznala Petra koji je u Somboru došao iz Rijeke u Hrvatskoj. Počeli su da žive zajedno i dobili troje djece.

U Somboru su živjeli do 2014. godine, a kako su djeca rasla, odlučili su da se presele u Pančevu, obzirom da je bliže Beogradu gdje Petar ima više mogućnosti da pronađe posao. Od tada su se selili iz jednog stana u drugi. Živjeli su u skromnim stanovima, jer nisu bili u mogućnosti da traže dobar, već jeftin smeštaj.

Preko RSP-a su 2017. godine dobili montažnu kuću u Pančevu, pa sada Anja, Sanja i Stefan imaju svako svoju sobu. S velikim osmjesima na licima, djeca kažu da planiraju da naprave zabavu ili barem žurku u pidžamama čim se usele.

# Regionalne aktivnosti

## U SARAJEVU ODRŽAN 20. REGIONALNI KOORDINACIJSKI FORUM



U Sarajevu je 26. aprila 2017. godine održan 20. po redu Regionalni koordinacijski forum u organizaciji Ministarstva za ljudska prava i izbjeglice Bosne i Hercegovine. Sastanku su prisustvovali predstavnici RSP partnerskih zemalja, donatora, CEB-a, UNHCR-a i OSCE-a.

Sastanak je otvorila ministrica za ljudska prava i izbjeglice Bosne i Hercegovine Semiha Borovac, koja je izrazila svoje zadovoljstvo trenutnim tempom sprovođenja RSP-a. Ministrica je istakla značajnu humanu dimenziju RSP-a i njegovu ulogu u pružanju podrške procesu integracije partnerskih zemalja u EU.

Glavna tema sastanka bio je najnoviji ostvareni napredak: do danas je dodijeljeno gotovo 1.100 stambenih jedinica, dok će za oko 3.000 ugroženih porodica biti omogućen pristojan smještaj tokom 2017. godine. Samo u Bosni i Hercegovini je u 2017. godini planiran završetak blizu 1.000 novih stambenih jedinica čiju izgradnju finansira RSP.

Učesnici su se složili da primarni cilj ostaje uručivanje ključeva, ali da je RSP također program koji teži obezbijedivanju održivih rješenja u smislu infrastrukturnih, ekonomskih, društvenih i kulturnih aspekata. Partnerske zemlje predstavile su korake koji su do sada preduzeti, kao i buduće planove neophodne da bi se osigurala integracija i samoodrživost korisnika.

Nakon sastanka, organizovana je zajednička posjeta Zenici, gdje je prošlog novembra započeta izgradnja 62 stana, čiji je završetak planiran za početak 2018. godine. Učesnici su također posjetili i porodicu Mekić u Busovači, kojoj će biti dodjeljena pomoć za rekonstrukciju po sistemu „ključ u ruke“ za obnovu njihovog oštećenog doma. Pored toga, Katolička služba pomoći za ovu porodicu obezbijedila je pomoć u vidu aktivnosti za ostvarivanje prihoda.



# RSP u medijima

## POSTIGNUĆA RSP-a PREDSTAVLJENA NA HRVATSKOJ NACIONALNOJ TELEVIZIJI

Predstavnik Središnjeg državnog ureda za obnovu i stambeno zbrinjavanje, Ivica Preskar, i predstavnik UNHCR-a Neven Crvenković, gостovalи су у емисији „Prizma“ хрватске телевизије, којом прilikom су представили резултате Regionalnog stambenog programa i приказали дјелове из новог филма о имплементацији RSP-a у Хрватској.



**TOP STORIES** **MEDIA CENTER** **TV** **RADIO** **LEARN GERMAN**

**KOPIJE**

**Yugoslav wars: A home for forgotten refugees**

This decision on thousands of refugees from the Yugoslav wars still doesn't have a home to call their own. A regional housing program is hoping to change that - with some help from the West.

**Read more**

## RSP PREDSTAVLJEN U "DEUTSCHE WELLE"

Prilikom radne posjete Srbiji u junu 2017., dopisnik Deutsche Welle prisustvovao je konferenciji za medije organizованoj prilikom zasjedanja Upravnog odbora i Skupštine donatora Regionalnog stambenog programa, i tom prilikom je razgovarao sa predstvincima Programa. Njegov tekst o RSP-u objavljen je na internet stranici DW na srpskom, engleskom i njemačkom jeziku.

Tekst možete pročitati na sledećem [linku](#).

## RSP-u DODATNIH 10 MILIONA DOLARA OD SAD

U kontekstu sastanka s predsjednikom Srbije Aleksandrom Vučićem održanog 17. jula 2017. godine, potpredsjednik SAD Majk Pens najavio je da će Sjedinjene Države obezbijediti dodatnih 10 miliona dolara za Regionalni stambeni program.

Ova nova sredstva su od izuzetnog značaja za RSP, budući da će omogućiti finansiranje više stotina novih stambenih rješenja ugroženim porodicama u RSP partnerskim zemljama.

**From the Press Office**

**The White House**

Office of the Vice President

For Immediate Release

July 11, 2017

**Readout of the Vice President's Meeting with President of Serbia Aleksandar Vucic**

Vice President Mike Pence met today with President of Serbia Aleksandar Vučić. The leaders agreed on the importance of the bilateral relationship and expressed the desire to deepen the partnership between the United States and Serbia. The vice president expressed U.S. support for Serbia's efforts to join the European Union, the need for energy security, and further progress in normalizing the relationship with Kosovo. The leaders discussed the vice president's upcoming trip to Bulgaria, Montenegro, where he will participate in an NGO Charter summit with leaders from across the Western Balkans region. The vice president also announced that the United States will provide an additional \$11 million contribution to the Regional Housing Program, an internationally-led joint initiative by Serbia, Bosnia and Herzegovina, Croatia, and Montenegro providing housing to most displaced during the conflicts in the former Yugoslavia in the 1990s.


# Status RSP fonda

## FINANSIJSKI PREGLED RSP-a

Na kraju mjeseca avgusta 2017. godine, finansijska situacija RSP-a može se sažeto prikazati na sljedeći način:

### Ukupne brojke za RSP

(u milionima eura, na kraju mjeseca avgusta 2017.)




## NOVI DOPRINOSI DONATORA

Na poslednjem sastanku RSP Upravnog odbora, održanom 26. juna u Beogradu, SAD su najavile dodatnih 10 miliona dolara namijenjenih za RSP fond, čime će njihov ukupan doprinos iznositi 24 miliona eura, čineći ih drugim najvećim RSP donatorom. Najveći donator je EU, sa namijenjenih 232 miliona i opredjeljenih 121 milion eura u RSP fond.

Donatori su do sada ukupno opredjelili 161 milion eura za RSP fond:

### Sredstva opredjeljena za RSP fond

(u milionima eura, na kraju avgusta 2017.)



## ISPLATE PARTNERSKIM ZEMLJAMA

Zaključno sa mjesecom avgustom 2017. godine, ukupan iznos isplata od početka sprovođenja Programa dostigao je 69 miliona eura, od čega je 36 miliona eura ili 52% isplaćeno Srbiji, što odgovara njenom udjelu u Programu. Većina do sada odobrenih bespovratnih sredstava u okviru RSP odobrena je u korist Srbije, odnosno 105 od ukupno 183 miliona eura ili 57%.

# Predstojeće aktivnosti (septembar – decembar 2017.)

## RSP događaji

### **1. septembar 2017.**

Svečano uručenje ugovora o dodjeli 302 paketa građevinskog materijala (SRB3), Beograd, Srbija

### **Druga polovina septembra 2017.**

Početak radova na izgradnji višestambenih zgrada (SRB4), Srbija

### **Posljednja nedjelja septembra 2017.**

Završetak radova na 120 stambenih jedinica u Koniku (MNE2), Podgorica, Crna Gora

### **3. oktobar 2017.**

21. regionalni koordinacioni forum i 16. tehnička komisija, Zagreb, Hrvatska

### **4. oktobar 2017.**

Završetak radova na dvije stambene zgrade sa 40 stanova (HR2), Knin, Hrvatska

### **Druga polovina oktobra 2017.**

Završetak radova na izgradnji doma za 75 starijih i osoba s invaliditetom (HR3), Glina, Hrvatska

### **Sredina oktobra 2017.**

Svečana dodjela ključeva korisnicima stambene zgrade (BiH3), Foča-Ustikolina, Bosna i Hercegovina

### **Prva polovina novembra 2017.**

Završetak radova na 235 stanova (SRB5) u beogradskom naselju Ovča, Srbija

### **Sredina novembra 2017.**

Završetak radova na stambenoj zgradi sa 21 stanom (HR5), Benkovac, Hrvatska

### **Druga polovina novembra 2017.**

Početak radova na renoviranju rekonstrukciji 62 porodične kuće (HR6), Hrvatska

### **Sredina decembra 2017.**

Završetak radova na izgradnji doma za 68 starijih/ hendikepiranih lica (MNE3), Pljevlja, Crna Gora



Bosna i  
Hercegovina



Hrvatska



Crna Gora



Srbija

Regionalni stambeni program finansira i podržava međunarodna zajednica



Regionalni stambeni program (RSP) ima za cilj da obezbijedi trajna rješenja za stambeno zbrinjavanje raseljenih lica nastalih nakon sukoba na teritoriji bivše Jugoslavije u periodu od 1991-1995. godine. RSP sprovode Bosna i Hercegovina, Hrvatska, Crna Gora i Srbija, a finansira najvećim dijelom međunarodna donatorska zajednica. Glavni donator je Evropska unija. Ostali donatori su SAD, Njemačka, Italija, Norveška, Švajcarska, Danska, Turska, Luksemburg, Kipar, Rumunija, Republika Češka, Republika Slovačka i Mađarska.

[www.regionalhousingprogramme.org](http://www.regionalhousingprogramme.org)